



Tonga

**NGAAHI TU'UTU'UNI KI HONO LESISITA
'O E HINGOA 'O E NGAAHI PISINISI 2025**



NGAAHI TU'UTU'UNI KI HONO LESISITA 'O E HINGOA 'O E NGAAHI PISINISI 2025

Fokotu'utu'u 'o e Ngaahi Kupu

Kupu

1	Hingoa mo e kamata ngaue'aki.....	5
2	'Uhinga 'i lea	5
3	Ngaahi houa ngaue	6
4	Lesisita 'o e Ngaahi Hingoa Pisinisi.....	6
5	Fakahu 'o e ngaahi tohi ki he lesisita mo e ngaahi ngaue faka'initaneti.....	7
6	Kau ngaue'aki kuo fakamafai mo e ngaahi 'akauni 'a e kau fakafofonga'i	8
7	Ngaahi foomu lesisita faka'initaneti	8
8	Totongi fakalukufua.....	9
9	Taimi ki hono totongi 'o e ngaahi totongi, ngaahi mo'ua, pe ngaahi totongi ki he faile tomui	9
10	Faka'ataa 'o e ngaahi totongi, ngaahi mo'ua pe ngaahi totongi tomui	9
11	Tu'asila 'imeili.....	10
12	Tohi kole ke lesisita	10
13	Vaha'ataimi 'o e lesisita.....	11
14	Fakatonutonu 'o e Lesisita	11
15	Kaniseli 'o e lesisita	11
16	Tangi ki he Minisita	11
17	Ngaahi tautea	12
18	Fakapekia.....	12

TEPILE 1

13

NGAAHI TOTONGI 'OKU TU'UTU'UNI

13



NGAAHI TU'UTU'UNI KI HONO LESISITA 'O E HINGOA 'O E NGAAHI PISINISI 2025

LAO KI HE LESISITA 'O E HINGOA 'O E NGAAHI PISINISI [VAHE 17.15]

I HONO NGAUE'AKI 'a e ngaahi mafai kuo foaki 'i he kupu 10 mo e 21 'o e Lao ki he Lesisita 'o e Hingoa 'o e Ngaahi Pisinisi [Vahe 17.15], 'oku fa'u ai 'e he Minisita 'oku ne tokangaekina 'a e fefakatau'aki, 'i he loto ki ai 'a e Kapineti, 'a e Ngaahi Tu'utu'uni ko 'eni -

1 Hingoa mo e kamata ngaue'aki

- (1) 'E ui 'a e Ngaahi Tu'utu'uni ko 'eni ko e Ngaahi Tu'utu'uni ki hono Lesisita 'o e Hingoa 'o e Ngaahi Pisinisi 2025.
- (2) Kuo pau ke ngaue'aki 'a e Ngaahi Tu'utu'uni ko 'eni 'i he 'aho 'e kasete' i ai.

2 'UHINGA'i lea

- (1) 'I he Ngaahi Tu'utu'uni ko eni, tuku kehe ka 'i ai ha 'uhinga kehe 'oku fiema'u 'i hono tu'unga —
"Lao" 'oku 'uhinga ki he Lao ki he Lesisita 'o e Ngaahi Hingoa Pisinisi [Vahe 17.15];
"faka'initaneti" 'oku 'uhinga ki he —

- (a) fekau'aki mo e lesisita, ko ha lesisita faka'ilekitulonika 'e lava ke ma'u 'i he 'Initaneti;
- (b) fekau'aki mo hono faile 'o ha tohi pe fanongonongo, ko hono faile 'a e tohi pe fanongonongo 'o fakafou 'i he lesisita faka'initaneti; pe
- (c) fekau'aki mo hono pulusi 'o ha foomu, ko hono pulusi 'o e foomu 'o fakafou 'i he lesisita faka'initaneti;

“lesisita faka'initaneti” ‘oku ‘uhinga ia ki he lesisita ‘o e ngaahi hingoa pisinisi na’e fokotu’u ‘e he Failesisita ‘i he kupu 10 ‘o e Lao; mo e

“ngaue faka'initaneti” ‘oku ‘uhinga ki ha ngaue ‘oku ‘oatu ‘e he, pe ma’ae, Failesisita, ‘a ia ‘oku ne fakangofua ‘a e ngaahi tohi kole, ngaahi faile, ngaahi fanongonongo mo e ngaahi tohi ke lesisita, tiliva, tuku atu pe ‘oatu ki he Failesisita ‘o fakafou ‘i he ‘initaneti ki he lesisita faka'initaneti, ki he totongi ‘o e ngaahi totongi mo e ngaahi mo’ua, pea mo hono ma’u ‘o ha ngaahi ngaue kehe ‘oku ‘oatu ‘e he lesisita faka'initaneti.

- (2) Ko e ngaahi lea kotoa pe ‘oku fakamatala ‘i ‘i he kupu 2 ‘o e Lao kuo pau ke ngaue’aki ia ‘i he ‘uhinga tatau mo ia ‘oku tu’utu’uni ‘i he Lao ‘i he taimi ‘oku lave ai ki ai ‘i he Ngaahi Tu’utu’uni ko eni.

3 Ngaahi houa ngaue

- (1) Kuo pau ke ‘ataa ‘a e ‘ofisi ‘o e Failesisita ki he kakai ‘i he ‘aho ngaue kotoa pe.
- (2) ‘E ngofua ke ‘ataa ‘a e lesisita faka'initaneti ki he kakai ‘i tu’a mei he ngaahi houa ‘oku ‘ataa ai ‘a e ‘ofisi ‘o e Failesisita.

4 Lesisita ‘o e Ngaahi Hingoa Pisinisi

- (1) Kuo pau ki he Failesisita ke ne fokotu’u, tauhi mo ngaue’aki ha lesisita faka'initaneti ‘i ha founa ‘oku tali ‘e he Failesisita ‘i he kupu 10 ‘o e Lao.
- (2) Kuo pau ke kau ‘i he lesisita faka'initaneti, ‘i he tu’unga ma’ulalo taha, ‘a e ngaahi fakamatala ko ‘eni –
 - (a) ngaahi hingoa pisinisi kotoa pe kuo lesisita;
 - (b) ngaahi fika lesisita ki he ngaahi hingoa pisinisi kotoa kuo lesisita;
 - (c) ko e tu’asila ‘o e tefito ‘i feitu’u pisinisi mo e ngaahi feitu’u kehe ‘oku fakahoko ai ‘a e pisinisi ‘i he hingoa pisinisi;
 - (d) ko e ‘aho ‘oku foaki ai ‘a e lesisita kotoa pe ‘o e hingoa pisinisi;
 - (e) ko ha hisitolia ‘o e ngaahi faile kotoa ‘i he Lao ‘oku fekau’aki mo hono foaki ‘o ha hingoa pisinisi; mo
 - (f) ha fakamatala fakasitetisitika ‘oku pehe ‘e he Failesisita ‘oku taau mei he taimi ki he taimi ke tanaki, ‘a ia kuo pau ko e ngaahi fakamatala ko ia ke

mavahevahe ke 'oua na'a 'ilo'i 'a e fakamatala mei ha lesisita hingoa pisinisi pau.

5 Fakahu 'o e ngaahi tohi ki he lesisita mo e ngaahi ngaue faka'initaneti

- (1) 'E ngofua ke fekau'i 'e he Failesisita 'a e fakahu 'o ha ngaahi tohi kole, fanongonongo pe tohi 'i he Lao pe ko e Ngaahi Tu'utu'uni ko eni, ke fakahoko pe 'i he lesisita faka'initaneti.
- (2) 'Oku 'ikai ngaue'aki 'a e tu'utu'uni si'i (1) 'i he taimi 'oku 'ave ai ki he Failesisita ha tohi faka-fakamaau'anga.
- (3) Kuo pau ke ngaue'aki 'a e founga 'oku 'oatu 'e he lesisita faka'initaneti ki he ngaahi tohi kotoa 'oku fakahu mai 'i he ngaue faka'initaneti ki he lesisita faka'initaneti.
- (4) Kapau 'oku lesisita, tiliva, tuku atu pe 'oatu ha tohi ki he Failesisita 'o ngaue'aki 'i he ngaue faka'initaneti —
 - (a) kuo pau ko e tu'asila 'imeili ki he fetu'utaki mo e taha 'oku ne lesisita, tiliva, tuku atu pe 'oatu 'a e tohi ki he Failesisita ke 'oatu fakataha mo e tohi; pea
 - (b) kuo pau ko e tu'asila 'imeili ki he fetu'utaki mo e taha 'oku ne ma'u 'a e hingoa pisinisi ke 'oatu fakataha mo e tohi.
- (5) Kapau 'oku pehe 'e he Failesisita ko e tohi 'oku fakahu ange —
 - (a) 'oku kau ai 'a e ngaahi me'a 'oku fepaki mo e lao;
 - (b) 'i he 'uhinga ko ha fa'ahinga me'a na'e 'ikai ke fakahoko pe na'e fakamatala hala'i, kuo te'eki ai ke fakakakato fakalelei;
 - (c) 'oku 'ikai ke faipau ki he ngaahi fiema'u 'a e Lao, ko e Tu'utu'uni ko 'eni, pe ko e founga 'oku 'oatu 'e he lesisita faka'initaneti; pe
 - (d) 'oku 'i ai 'a e ngaahi fakamatala 'ikai totonu 'oku ne fakatupu 'a e ngaahi me'a 'i he tohi ke matu'aki takihala'i,

'e ngofua ki he Failesisita ke ne 'ikai tali ke lesisita pe ma'u mai 'a e tohi, pea kuo pau ke fakamahino na'e 'ikai ke fakahu mai, pea 'e ngofua ki he Failesisita ke fekau'i ke fakatonutonu pe fakakakato lelei 'a e tohi pea toe fakahu mai, pe ke fakahu ha tohi fo'ou 'i hono tu'unga.
- (6) Ko ha tohi 'oku fakahu mai 'i he Lao ni pe 'i he Tu'utu'uni ko eni 'oku lau ia na'e 'ikai ke fakahu tuku kehe kapau 'oku tali 'e he Failesisita.
- (7) Tuku kehe ka 'i ai ha ngofua makehe mei he Failesisita, kuo tali 'i he ngaahi makatu'unga 'oku pehe 'e he Failesisita 'oku taau, kuo pau 'e 'ikai tali 'e he Failesisita ha tohi 'oku 'ikai ke faipau ki he Tu'utu'uni ko eni.

6 Kau ngaue'aki kuo fakamafai mo e ngaahi 'akauni 'a e kau fakafongai

- (1) 'E ngofua ki ha taha, kau ai ha sino fakalao, sino fakalao muli, pe fakafongafakapule'anga, ke hoko ko ha taha ngaue'aki kuo fakamafai ke ne ngaue'aki 'a e lesisita faka'initaneti ki he taumu'a ke ngaue'aki 'a e ngaahi ngaue faka'initaneti.
- (2) 'E ngofua ki he Failesisita ke kole ha ngaahi tohi pe ha fakamo'oni kehe mei ha taha pe 'oku ne pe 'oku ne fakataumu'a ke hoko ko ha taha ngaue'aki kuo fakamafai koe'uhi ke fakapapau'i 'a e faka'ilonga'i 'o e taha pe sino ko ia 'i he fiemalie fakapotopoto ki ai 'a e Failesisita.
- (3) 'E ngofua ki he Failesisita, 'i he tohi kole, ke tali mo fokotu'u 'i ha'ane tali ha 'akauni 'a e taha fakafongai 'i he hingoa 'o e pe ma'ae taha ngaue'aki kuo fakamafai ki he taumu'a ke ne ngaue'aki 'a e ngaahi ngaue faka'initaneti.
- (4) Kuo pau ke 'ikai 'i ai ha totongi ki he hoko ko ha taha ngaue'aki kuo fakamafai pea mo hono fokotu'u 'o ha 'akauni 'a e taha fakafongai.
- (5) Kuo pau ki he tohi kole ki ha 'akauni 'a e taha fakafongai ke –
 - (a) 'i he founa kuo tali 'e he Failesisita; pea
 - (b) fakataha mo ha fakamo'oni 'oku fiemalie ki ai 'a e Failesisita fekau'aki mo e faka'ilonga'i 'o e taha pe ni'ihiki fakafongai.
- (6) Koe'uhi ke lava ha taha ngaue'aki kuo fakamafai 'o fa'u ha faile 'i loto 'i he lesisita, kuo pau ki he taha ngaue'aki kuo fakamafai ke ne fuofua hu ki he lesisita faka'initaneti 'o ngaue'aki 'a e ngaahi fakamatala hu atu 'oku tauhi fakafou'ituitui 'o hange ko e lea malu'i, fika fakapulipuli (PINs) pe hange ko ia. 'Oku 'ikai fiema'u 'a e Failesisita ke ne fakapapau'i pe ko e taha faile 'i he 'initaneti ko ha taha ngaue'aki kuo fakamafai 'oku 'i ai 'ene totonu ke ngaue'aki 'a e fakamatala hu atu 'oku fakahu ki he ngaue faka'initaneti.
- (7) Kuo pau ki he totongi 'o e ngaahi totongi, mo'ua, mo e ngaahi totongi tomui ki he lesisita faka'initaneti ke fakahoko mei he 'akauni 'o ha taha fakafongai.
- (8) 'E ngofua ki he totongi 'o e pa'anga ki he 'akauni 'a e taha fakafongai ke ngaue'aki ha founa kuo tali 'e he Failesisita mei he taimi ki he taimi.
- (9) 'E ngofua ki he Failesisita ke 'oatu ha fakamatala 'i he mahina taki taha ki he 'akauni 'a e taha fakafongai kotoa pe 'o fakaha ai 'a e ngaahi kuletiti mo e tepiti ki he 'akauni 'a e taha fakafongai.

7 Ngaahi foomu lesisita faka'initaneti

- (1) Kuo pau ki ha tohi, fanongonongo pe foomu 'oku fakahu mai 'o fakafou 'i he ngaue faka'initaneti ke fakakakato fakatatau ki he ngaahi fakamatala, ngaahi fakahinohino pe ngaahi tu'utu'uni 'oku fakamahino'i 'i he lesisita faka'initaneti, pe 'e he Failesisita.

- (2) Kuo pau ki ha foomu kuo tali 'e he Failesisita ki he lesisita faka'initaneti ke fakakakato 'o fakatatau ki he ngaahi fakahinohino, ngaahi fakamatala pe ngaahi tu'utu'uni 'oku 'i loto 'i he lesisita faka'initaneti.
- (3) Kapau ko ha tohi, faile pe fanongonongo kuo fakahu 'o fakafou 'i he ngaue faka'initaneti 'oku fiema'u ha toe fakamatala tanaki, kuo pau ki he fakamatala ko ia ke tuku hake 'i he founa faka'ilekitulonika 'i he ngaue faka'initaneti.

8 Totongi fakalukufua

- (1) Ki he ngaahi taumua 'o e kupu 21 'o e Lao, kuo pau ki he ngaahi totongi 'oku ha 'i he Tepile 1 ke totongi ki he Failesisita 'o fekau'aki mo e ngaahi me'a 'oku felave'i mo ia.
- (2) 'E ngofua ki he ngaahi totongi 'oku ha 'i he Tepile 1 ke kau ai 'a e ngaahi totongi, ngaahi totongi tomui mo e ngaahi mo'ua 'e ala totongi ki hono fakahu 'o ha tohi ki he Failesisita 'i he hili pe 'a e 'osi 'o e taimi kuo tu'utu'uni 'e he Lao pe Tu'utu'uni ko eni.
- (3) 'E ngofua ki he ngaahi totongi mo e founa totongi ki hono ngaue'aki 'o e ngaue faka'initaneti ke fakahoko ki he ngaahi founa mo e ngaahi tu'utu'uni kuo tuku atu mei he taimi ki he taimi 'e he Failesisita.

9 Taimi ki hono totongi 'o e ngaahi totongi, ngaahi mo'ua, pe ngaahi totongi ki he faile tomui

- (1) Kuo pau ke totongi 'a e ngaahi totongi, ngaahi mo'ua pe ngaahi totongi ki he faile tomui 'oku tu'utu'uni 'e he Ngaahi Tu'utu'uni ko 'eni 'i he taimi 'oku fakahoko ai 'a e ngaue fakapa'anga fekau'aki mo ia.
- (2) Kuo pau ke totongi 'a e ngaahi totongi, ngaahi mo'ua mo e ngaahi totongi tomui –
 - (a) 'i ha founa totongi 'oku tali 'e he Failesisita mei he taimi ki he taimi; pe
 - (b) 'aki 'a e tepiti pe mei he 'akauni 'a e taha fakafongoa 'i 'oku kuletiti 'o 'ikai si'i hifo 'i he mahu'inga 'o e mo'ua pe totongi.

10 Faka'ataa 'o e ngaahi totongi, ngaahi mo'ua pe ngaahi totongi tomui

- (1) 'E ngofua ki he Failesisita, 'i he 'ene tu'utu'uni, 'i ha fanongonongo tohi ki he taha 'e ala totongi ha totongi, mo'ua pe totongi tomui 'oku tu'utu'uni 'e he Lao pe 'e he Ngaahi Tu'utu'uni, ke ne faka'ataa kakato pe ha konga 'o ia 'i he makatu'unga 'oku ha 'i he tu'utu'uni si'i (2).
- (2) 'E ngofua ki he Failesisita ke ne faka'ataa ha totongi, mo'ua pe totongi tomui kapau 'oku ne pehe ko e fiema'u ke totongi kakato pe ha konga 'o ia –

- (a) 'oku ngalingali te ne fakatupu ha faingata'a lahi ki he taha 'e ala mo'ua ke ne totongi;
 - (b) 'oku 'ikai ke tatau ia mo e me'a 'oku lolotonga hoko;
 - (c) 'oku ngalingali ke hoko ha uesia ki he kau kuletitoa 'o e taha 'o'ona 'o e hingoa pisinisi 'oku fakafehu'i; pe
 - (d) ko e ngaahi makatu'unga 'o e vahevahe taau 'oku fakamahino pau 'a e poupou ki ha faka'ataa.
- (3) 'E ngofua ke fekau'i 'e he Failesisita ke totongi ha totongi, mo'ua, pe totongi tomui 'i he taimi 'oku fakahu mai ai ha tohi fakataha mo ha kole ke faka'ataa 'a e ngaahi totongi, ngaahi mo'ua pe ngaahi totongi tomui, pea kapau 'e tali 'a e faka'ataa, 'e ngofua ke fakafoki 'e he Failesisita 'a e totongi ki he 'akauni 'a e taha fakafong'a'i.

11 Tu'asila 'imeili

- (1) 'I he taimi 'oku lesisita, tiliva, tuku atu pe 'oatu 'a e tohi ki he Failesisita 'i he ngaue faka'initaneti —
 - (a) kuo pau ko e tu'asila 'imeili ki he fetu'utaki mo e taha lesisita, tiliva, tuku atu pe 'oatu 'a e tohi ki he Failesisita ke 'oatu fakataha mo e tohi; pea
 - (b) kuo pau ko e tu'asila 'imeili ki he fetu'utaki mo e taha 'o'ona 'o e hingoa pisinisi ke 'oatu fakataha mo e tohi.
- (2) 'E ngofua ki he Failesisita ke fetu'utaki mo e taha na'a ne lesisita 'a e tohi 'o fakafou 'i he 'imeili.

12 Tohi kole ke lesisita

- (1) Kuo pau ke fakahu mai ha tohi kole ke lesisita ha hingoa pisinisi fakataha mo e totongi totonu kuo tu'utu'uni 'i he Tepile 1 pea 'e fakahu ki he lesisita faka'initaneti 'o fakafou 'i ha ngaue faka'initaneti.
- (2) Kapau 'e 'ikai tali ha tohi kole 'e he Failesisita, kuo pau ki he Failesisita ke fakahoko ange ki he taha kole 'i ha fetu'utaki tohi 'a e ngaahi 'uhinga hono 'ikai tali.
- (3) 'E ngofua ke fakafoki ha tohi kole 'e he taha kole ki he Failesisita, pea 'i he tu'unga ko 'eni, kuo pau 'e 'ikai fakafoki 'a e totongi kole.
- (4) 'I he taimi 'oku ma'u mai ai ha tohi kole 'oku faipau ki he Lao mo e Ngaahi Tu'utu'uni ko 'eni, kuo pau ke 'oatu 'e he Failesisita ki he taha kole ha tohi fakamo'oni 'o e lesisita hingoa pisinisi 'oku ha ai 'a e 'aho 'o e lesisita.

13 Vaha'ataimi 'o e lesisita

- (1) Kuo pau ki ha lesisita 'o ha hingoa pisinisi ke ngaue'aki 'i he ta'u 'e taha ka 'e ngofua ke fakafo'ou 'i he ta'u kotoa 'aki hano faile ki he Failesisita ha fakamatala fakafo'ou 'o fakatatau ki he kupu 15 'o e Lao.
- (2) Kuo pau ke 'oatu fakataha ha fakamatala fakafo'ou mo e fanongonongo totonu 'o e totongi fakafo'ou 'a e ngaue fakapisinisi 'i hono tu'utu'uni 'i he Tepile 1.

14 Fakatonutonu 'o e Lesisita

- (1) Kapau ko e fakamatala 'i loto 'i he Tohi Fakamo'oni 'o e Hingoa Pisinisi pe 'i he Lesisita Hingoa Pisinisi 'oku 'ikai ke tonu koe'uhi ko ha liliu 'i he ngaahi makatu'unga, kuo pau ki he Taha Lesisita 'o fakatatau ki he kupu 8 'o e Lao, ke ne faile ha fakatonutonu ki he lesisita 'o e hingoa pisinisi 'o fakafou 'i ha ngaue faka'initaneti.
- (2) Kuo pau ke kau 'i he fakatonutonu 'a e totongi kuo tu'utu'uni 'i he Tepile 1.
- (3) Kapau 'oku ma'u 'e he Failesisita ha fakatonutonu 'i he tu'utu'uni si'i (1) 'a ia 'oku fakatonutonu ai 'a e fakamatala 'oku ha 'i he Tohi Fakamo'oni 'o e Lesisita Hingoa Pisinisi, kuo pau ke foaki 'e he Failesisita ha Tohi Fakamo'oni 'o e Lesisita Hingoa Pisinisi kuo fakatonutonu.

15 Kaniseli 'o e lesisita

Kapau 'oku kaniseli 'e he Failesisita ha Lesisita Hingoa Pisinisi, kuo pau ki he Failesisita ke ne –

- (a) fanongonongo ki he Taha Lesisita 'i ha fetu'utaki tohi 'i he faipau ki he kupu 12 'o e Lao 'a e 'uhinga ki hono kaniseli; pea
- (b) kuo pau ke fakaha 'e he fanongonongo ki he Taha Lesisita.

16 Tangi ki he Minisita

- (1) 'E ngofua ke fakahoko ha tangi ki ha tu'utu'uni ke kaniseli ha lesisita 'o ha tu'utu'uni hingoa pisinisi pea kuo pau ke fakahoko 'i he tohi ki he Minisita 'i loto 'i he 'aho ngaue 'e 14 mei he 'aho 'oku 'oatu ai ki he Taha Lesisita 'a e fanongonongo kaniseli.
- (2) Kuo pau ki he tangi ke fakaha 'a e ngaahi makatu'unga 'o e tangi.
- (3) Kuo pau ki he Minisita, 'i loto 'i he 'aho ngaue 'e 28 mei hono ma'u 'o e tangi, ke fakakaukau 'i 'a e kotoa 'o e ngaahi fakamatala felave'i kuo fakahoko 'e he Taha Lesisita pea tu'utu'uni ki he tangi.
- (4) Kuo pau ki he Minisita 'i loto 'i he 'aho ngaue 'e 3 mei he 'aho 'o e tu'utu'uni ki he tangi, ke fakahoko ki he Taha Lesisita 'i ha fetu'utaki tohi 'a 'ene tu'utu'uni.

17 Ngaahi tautea

Kapau 'oku 'ikai faipau 'a e Taha Lesisita ki he Lao pe Ngaahi Tu'utu'uni ko eni, 'e ngofua ki he Failesisita ke hilifaki ha mo'ua pe totongi faile tomui 'i hono tu'utu'uni 'i he Lao pe Ngaahi Tu'utu'uni ko eni.

18 Fakapekia

'Oku fakapekia 'i heni 'a e Ngaahi Tu'utu'uni ki hono Lesisita 'o e Hingoa 'o e Ngaahi Pisinisi [Vahe 17.15.01].

Na'e fakahoko 'i Nuku'alofa 'i he 'aho **18** ni 'o **Novema** 2025.

Hon. Kapelieli M. Lanumata

Minisita ki he Fefakatau'aki mo e Fakalakalaka Faka'ekonomika

TEPILE 1

(Tu'utu'uni 8)

NGAAHI TOTONGI 'OKU TU'UTU'UNI

Fika	Ngaue	Totongi (\$TOP)
1	Tohi Kole ki he Lesisita Hingoa Pisinisi	\$50
2	Fakamo'oni 'o e fakafo'ou 'o e lesisita hingoa pisinisi	\$20
3	Lesisita 'o e liliu 'i he Fakatonutonu 'o e lesisita mo e/pe Tohi Fakamo'oni Hingoa Pisinisi	\$20
4.	Sivi'i 'i he 'initaneti 'a e tanaki'anga fakamatala faka'elekitulonika 'oku 'i loto ai 'a e Lesisita Hingoa Pisinisi	Ta'etotongi
5.	Ngaahi tatau tohi mei he Lesisita Hingoa Pisinisi 'oku tuku atu 'e he Potungaue	\$10 ki he peesi
6.	Totongi tomui ki hono faile 'o e fakatonutonu 'oku fiema'u ki he lesisita hingoa pisinisi	\$20
7.	Totongi tomui ki hono faile 'o e Fakamo'oni 'o e Fakafo'ou	\$20
8.	Totongi toe fokotu'u hili 'a e kaniseli 'o e lesisita hingoa pisinisi	\$50
9.	Fanongonongo 'o e kaniseli 'o e pisinisi 'e he taha lesisita	Ta'etotongi
10.	Ki ha toe faile 'oku 'ikai fakaha tonu 'i he Tepile 1	\$20

*Ko e ngaahi totongi kotoa 'oku 'ikai kau ai 'a e 15% Tukahau Ngaue'aki